



Fasti Mariani

Brunner, Andreas

Antverpiæ, M.D.C XXX III.

S. Thomais M. 14. Aprilis.

[urn:nbn:de:hbz:466:1-70962](#)

S. THOMAIS M. 14. Aprilis.

Nata est THOMAIS Alexandriæ, à parentibus benè ac pudicè educa-ta, & demum nuptui tradita, ut ante Virginibus, sic Matronis postea prælu-xit. Sed raro castitas inter multos ha-bitat tuta. Ausus est sacer, cujus in do-mo cum marito degebat, omnis juris atque adeò pietatis in filium oblitus, conjugalem in nuru fidem tentare. Co-horruit illa ad tam infanda, & monitis preces, precibus lacrimas addidit. At il-le, cui pudorem non potest, vitam ex-torquet, mediumque, non auditâ crudi-litate, secat. Enimvero non tulit vin-dex Numen, sed parricidium exemplò cæcitatem multavit. Intereà adsunt, qui maritum castissimæ volunt cōventum, vident sanguini suo innatare pudici-tiam; vident cœco vestigio muris ob-errantem Susanneum senem; quis tra-gœdiā hanc dederit rogant. Non au-sus est diffiteri auctorem se esse amens Oedipus; sed cùm atrocitatem crimi-nis, quam videns non viderat, nunc cœcus vel sole clariorem aspiceret, non dubitavit ultro mortem orare, & capi-tis in se sententiam ipse pronuntiare. Et verò hunc facile judices audiverunt, cœcumq; duci scilicet jusserunt: THO-MAIDIS verò tumulus ceu Martyris cultus à Cœnobitis Scetanis, Asylon dein-



deinceps fuit eorum, qui hostem Cupidinē fugerent. Nimirum jam antē cœcutiens puer oculis suis timet. Ex Men.

S. LYDWINA V. 14. Aprilis.

LYDWINA formam obesse castitati videns, dignum virgine rata est votum, deformitatem à cælo petere. Audiit hoc, & omnia morborum examina misit: iis ita omnis gratia defluxit, ut nūmīni jam placeret cadaver domum ducere. Sed sic illa demum formosa CHRISTO visa est. Hic ex amantibus solus jam ægræ cum MATRE assidere; solus amoris sui & patientiæ symbola per Angelos lectulum ambientes ostētare: quorum certè unâ recordatione LYDWINA cruciatus suprà quām dici aut credi potest, graves, facile tamen omnes redimebat. Genium tutelarem ducem ad ea loca, quæ CHRISTVS olim præsentia suâ nobilitavit, ad purgantes item flamas & beatas sedes habuit. Ab eodem donum è primi parentis horto lignum tulit odore noble: ut inde una jam vel virginitas vel patientia sperare quid posse videatur. In subsidium pauperum ipsa pauperima peculiū tamen corrogabat, & IESV crumenam dicitabat; cui profectò omnes, cùm audient, avari invidebunt, quippe quæ exauriri nunquam potuit. Homini facinoroſo suasit, plumis in